



Politica

7514. Jus.


 BIBLIOTHECA UNION-JAGELLI CRACOVENSIS	Mag. St. Dr. 7514
	PRAWO <i>Kal. Kom.</i> I

Instructio (secretissima) gallo-Britanno-
Batava, Friderico V. Comiti Pala-
tino Electori datae. Ex gallico con-
versa.

1620.



SECRETIS-
SIMA INSTRV-
CTIO, GALLO-BRITAN-
NO-BATAVA, FRIDERICO V.
COMITI PALATINO ELE-
CTORI DATA:




EX GALLICO
CONVERSA, AC BONO
publico, in lucem euulgata.

ANNO M. DC. XX.

SECRETIS
SIMA IN STRA
C. THO. GALLO-BRITAN
NO RATAVA, FRIDERICO V.
COMITI PALATINO LL.
C. THO. DATA



EX GALLICO
CONFRAT. DE BONO
ANNO M.DC. XX.



SECRETISSIMA
INSTRUCTIO, GALLO-BRI-
TANNO-BATAVA, FRIDERICO V.

Comiti Palatino Electo.
ri data.

I.



SERENISSIME PRIN-
CEPS, alumne charissime, à
fidelissimo tuo Educatore, ex-
ercitato Milite, & Versatissimo
Politico, documenta non quotidiana
cape: His seruatis, te seruabis: hisce re-
gna Britannix vnita, Hollandia defen-
sa, Galliarum Reges in officio retenti
sunt: Hisce tu Cæsarem compefces,

Cæsar eris. Audi Educatorem, Magistrum, Clientem, cuius salus ex
tua salute pendet, secreta, sed seria consilia suggerentem. A puero di-
dicisti inter consilium & adulationem quid intersit. Cauebis autem,
ne ad alios arcana hæc imperij perferantur, quæ si inimici tui rese-
nerint, iam tu periisti.

II.

IActa est alea, transisti Rubiconem, tenendum est in-
stitutum: cadere iam de fastigio tua maiestas potest, descendere
non potest: Inter pares, vinere par non potest, qui pares oppressit:
aut omnes etiam tua potentia adiutores opprimendi sunt, aut to-
tum.

num perendum. Pauci reges ab hostibus, multi ab æmulis, & quon-
dam fidis, plerique ab intimis trucidati sunt. Alexandri tota proge-
nies cæsa est ab Alexandri Ducibus. Hæc tecum perpendes, & Hi-
storicum tuum rogabis.

III.

TVo in regno, si vnquam in vlllo, non est minor, sed
maior virtus, quàm quætere, parta tueri: maior inquam, nam fi-
ne tuo labore, tuorum astu, versutijisque, tibi sunt omnia parta: vno
verbo, si fateri inter secretissima arcana licet, Errore factus es Rex.
At toto corpore tuarum ditionum sociorumque defendendum est,
quod accepisti. Numerata à Iulio Cæsare vsque ad Ferdinandum, in-
ter centum, qui regna per vim occuparunt, non sunt quatuor, qui
non eadem perdididerint, & cum tota familia perierint. Inter magnos
Reges, paucissimi suo die defuncti: Inter quinquaginta Cæsares,
quæ tres, qui post multas seditiones, non dederint sanguinem in-
uidiæ vel odio. Inter Bohemæ Reges, duo solum sine rebellionem re-
gnarunt. Tu quorum locum tenes, pericula expauesce; Gladium
contra Cæsarem sumpsisti, gladium non modò Cæsaris, sed cuius-
cunque time: Dominus est vitæ tuæ, quisquis contemtor est suæ:
Immò tanquam de inuasore & prædone triumphabit, quisquis te
occiderit. Cautionem itaque à nobis, magnificentiam ab aulicis
disces, fortunam ex defunctis, atque vtinam legendo, non expe-
riendo.

IV.

TRia igitur hoc rerum statu circumspicies homi-
num genera: Hostes apertos, Amicos veros, & qui sunt vel ficti
amici, vel tecti hostes, quos omnes inter Dubios numeramus.

V.

Hostes aperti sunt, Domus Austriaca, Pontifex, Ita-
lici, & qui his sine fraude ac fuce ingenuè adhærent. Contra
hos opus est tibi, sumptu magno, diurno, Ducibus magnis, fidisq;
milite perpetuo: quia hæc illis adsunt; sapius vinci possunt, tardè
debellari possunt. Nosti Hannibalem tribus magnis, decem medio-
cribus prælijs victorem, tandem bello victum, vestigalem, exulem,
veneno tot decora perdidisse.

VI. Pares

VI.

PAres sumptus, viresque, a pertis hostibus non habes, idèd à fœderatis petenda sũnt: in quo multa pericula. Primùm ne grauentur impendijs. Secundò ne de recompensatione desperent. Tertiò ne casu aduerso frangantur. Quartò ne inter se dissentiant. Quintò ne alio bello implicentur. Sextò ne illis tua potentia inuidiosa reddatur. Denique ne quavis ex causa, multi dissentientes, & quorum proposita contraria sunt, te deserant. Hæc exemplis te tua Germania tempore Caroli V. docuit, cum Principes prodiderunt Ciuitates. Valdè itaque considerandum, quomodo par hostibus esse possis,

VII.

NEquè solùm hostium, quæ modo est, potentiam expendas velim, sed eam, quam extrema pericula, vel desperatio efficere potest. Qui vincitur, & magno animo est, vndique arma habere potest. Quid si Ferdinandus, Leopoldus, Carolus, alij, extrema tentent? Si iura sua Venetis transcribant? Si Magnatibus Poloniæ, vel illi Regno, Lusatiã, Silesiam, Morauiam tradant? Quid si ius suum non dico Hispano, aut Franco, sed cuiuis alteri offerant? Quid si fœderum vigore, vltro oblata à Turcis auxilia accipiant, vnde tu & Gabor petiistis? Putas Turcam tam speciosam causam deferaturum? Quid si Hispanus cum Turca pacem faciat? Quid si Istriam, Carniolam, Carinthiamque Venetis diuendant? Itaque securus esse noli. victor inexpectato ferieris ictu. Miserorum est industria: nunquam alto sanguini deest miseratio, nunquam afflictis auxilium. Sed quid me diffundo? ferieris, à quo minimè putabas.

VIII.

DE Amicis, scito paucos esse tibi: Socer, Vxor, Dux Bullionius, quidam agnati, Frater, si coluntur, amici sunt: ceteri fortunam tuam venerantur, suæ spei, suæ promotionis sunt amici, quibus nisi tu satisfacias, & citò ac vbertim satisfacias, experieris proditores ac transfugas. Quotus enim quisque te tuâ, non suâ causâ securus est? quotus quisque recedens, tibi non maledicit? Sed de amicis tuis speciatim considera.

Bohemi amici nequaquam sunt. Id verius, quam credibilius est, senties id tamen, vbi acta perpenderit. Primum non honoris tui causâ, sed necessitate compulsi, Te Regem dixere, & quidem à Saxone Bauaroque repudiati; & magna tamen concertatio fuit, ne Saxonem inuitum præferrent, aut Gabrielem. Deinde liberi esse statuerant more Hollandiæ, & Venetiæ, & iam Helueticas Respublicas meditabantur, sed positi inter Duces & Reges, cum viderent subsidia non dari à Principibus, in tam pernicioso exemplo, cum etiam aduerterent, in electione Imperatoriâ, rationem Statuum non haberi, sed Regis, non inconsultum arbitrati sunt, ceremoniali coronatione sibi auxilia parare.

Tertiò clarius etiam odij sui signum in te iam ostendunt, cum eas tibi conditiones ferunt regnandi, quas moderati Domini mancipijs imponere vix solent. In omnia eorum acta agendaque iurare cogentis: si delinquas, ipsi tui sunt actores, testes, Iudices, fortè & precipitatores. Bellum tu gerere, scribere militem, ijs inuitis, non potes; illi sine te, & contra te possunt: Armamentaria habere tibi non licet, illi habere volunt. Denique eorum Senatusconsultis subscribere cogentis, etiam in tuam, & tuorum opprobrium, etiam contra tuam salutem; ni faxis, Rex non eris. Neque te moueant blanditiæ & obsequia: plus affectat in huiusmodi rebus simulatio & ostentatio, quam veritas & amicitia faciant. Fictioni multis opus est tegumentis, ne pateat. caue igitur illis credas. Naturam eorum perdisce: inter vapores cereuisiæ, rucusque, iam saturi & oppleti deliberant; atque ad ea, quæ cogitarunt, efficienda, præcipientes sunt celerisque. Bohemia indigenis Regibus semper nouerca fuit, tibi extero, ne spera matrem fore. Dum alios timet, dum à te sperat, paulum interquiescit, te si timere cœperit, à te si sperare desierit, redibit ad ingenium.

X.

Cum igitur Bohemi naturâ sint asperi, efferi, contumaces, in consilijs abrupti, in executione inopinati, rectè facies, si te nondum Regem esse, nec ipsos, tuos subditos, arbitreris.

Arborem te esse cogita, quæ non radicibus fixa, suis ipsa membris firmetur in terram depressis, sed quam fulcra & statumina sustentant externa, quorum nonnulla de facili succidi & abrumpi possunt. Perpende nullam esse diurnam potentiam, quæ suis viribus

nixa non est. Tuum imperium, non nisi consensu parentium, validum esse potest: at consensus ille momentaneus volubilisque est. Experieris, vbi Austriacos timere desierint, vbi tributa exegeris, vbi supplicia decreueris. Immò non obscure te Lutherani & Hussitæ detestantur, Saxonemque respectant, vt suæ libertatis vindicem. Nec desuerunt, qui censuerint, te puerum coronandum & tollendum, vt Augustum Cicero laudandum & tollendum dixit. Tu ne committes, vt tolli possis.

XI.

HÆc vt penitus peruideas, cognatum Mauritium & Hollandos specta. Nemo ab hominum memoriâ periculosius, feliciusque pro patria gessit bella, quàm Mauritius: nemo paternâ memoriâ gratiosior fuit: in nullum maior ciuitatum affectus fuit. quæ enim non dixerunt feceruntque, cum triumphantem exciperent? quæ non dederunt pollicitique sunt, cum etiam Virgines nudas publicitus offerrent. Nunc verò nisi occupasset facinus, ille cadueret, regnaret Barneuelcius. Causa est, perpetuum certamen inter libertatem & regnum. Eadem est in Bohemia. Tu cupis esse Rex absolutus, non larua Regis. cupis omnes tibi subditos esse: illi cupiunt esse maximè liberi, nec Regem quicquam, nisi quod illi volunt, posse. Dum igitur illi immoderatam petunt libertatem Regibus dominantem, Tu non precarium, sed obnoxium in subditis obsequium, necesse est motus oriri, vt nunc videmus in Belgio, vbi omnia tentantur, nec tamen magnis multorum odijs vlla potentia par inuenitur. Itaque præstabit Belgium totum in seruitutem rapere, quàm tam anxio imperio tenere. quod nunc mutatis, pro conditione temporum, magistratibus, feliciter inchoatum est.

XII.

Venio ad alios amicos, quos difficulter inuenies, si iudicaueris Bohemos amicos non esse. Gabor Transsylvanus tibi amicus non est, sed odio Cæsaris, & timore, fœdus tecum pepigit, vt dum te objicit periculis, ille Hungariam teneat munitaque Bohemiæ regnum & ille affectauit, sed spe suâ frustratus, ringitur, quod tecum hanc partiri prædam debeat; cum primum poterit, quod dimisit inuitus, omni conatu recuperare contendet. Suâ te Regem factum iactitat operâ, præmia petit; Nouit is probè, non posse

posse Hungariam, contra Turcas, Tartaros, Venetos, Polonos, ipsos Hungaros, à se defendi, nisi alijs Regnis Prouincijsque adiectis. Bohemiam itaque, additaque illi ditiones, suæ Coronæ esse necessarias non immeritò putat. Cum verò ius eligendi Regis in Bohemia Proceres sibi vendicent, non difficulter in suam sententiam hos pelliciet, facietque tibi, quod tu Ferdinando, & quod ipse Domui Austriacæ. Immo si Cæsar illi Hungariam in feudum donet, nisi à moribus suis degenerauerit, omnibus paratus erit contendere viribus, vt Bohemia Austriacis restituatur.

XIII.

Multò minus Turcam fidum amicumque existimabis. Iucundissimum ille sibi, in vestibulo Portæ suæ, spectaculum de vestris pugnis exhibet: Victor pariter & victus præda eritis. Sic arietes, spectante lupo & inhiante, concurrunt: Sic galli gallinæ, plaudente aquila, præliantur. Axioma Turcarum est, nulli Christiano, nisi commodi sui causâ, amicum esse. Nullum hæcenus bello, si omnes euoluas annales, iuuit, quem non in miserandam redegerit seruitutem, fidem sola vtilitate ac quæstu metitur. Tot opum ac virorum impendijs, pro Hungariâ depugnauit, toto Europæ corpore illa defensâ est: At

----- Quod optanti promittere nemo
Auderet, voluenda dies en obtulit vltro.

Sine sanguine, sine sumptu, Hungariam tenet, per vasallum fidum possidet, tributum accipit, ius traducendi exercitus habet. In Morauiam, Bohemiam, Silesiamque, & si non statim mouerit, tu semper eum expectabis. Nam Gabriel eius præsidio Transyluaniam obtinet, eiusdem, Hungariam occupat, Bassæ subsidio militem paratum habent, vocati & inuocati aderunt. Vrbes pro cautione ac pignore, vt Lippam in Transyluaniam, accipient.

An tu fore speras, vt Turca suis moribus non vtatur? cur tam perfidè, atrociter, periculoseque Germaniæ imperium infestauit, si nunc te securè regnantem sinet? At seruet sanè fidem, at tu illi credere nequaquam debes, quia nunquam hæcenus seruauit fidem. Legationes igitur tuas, quas partim præmisisti Constantinopolim, partim nunc adornas, profusa etiam donaria, quibus Turcas demereris, subiectionis tuæ Symbola erunt, securitatis vades non erunt. Hoc sanè

Hoc sanè horrendum est, Regnum tuum, cum primum violare fidem visum illi fuerit, in eius fore potestate. si ad altam te portam suam vocauerit, eundem esse. Si vt arma Turcicis coniuncta contra quempiam Christianum conuertas, iusserit, idem facere cogèris, quod ante biennium, tuus Gabor fecit, contra Polonos exercitum suum, Duce Schender Bassa, expediendo. Nec insolitum tibi videri poterit, si fidem Turca fallat, cum ipse, vt de Gabor taceam, tot modis, iusiurandum & fidem regnandi causâ violaueris, & exemplum contra te dederis. Ego verò puto Turcam & tibi & Gabrieli tunc fore infestiorē, quum vos felices putabitis. Nam Turca hæcenus id egit, vt discordijs Christianorum rem stabiliret suam, nunc si Te, Gabrielem, Venetos, ac Principes quosdam Germaniæ concordēs viderit, sibi timebit: Itaque pulsus Austriacis, vos dissipabit, dissuasos inuadet, Te per Gabrielem, Venetos per alios vastabit,

XIV.

Quæ de Turcis, deque Tuo Transyluano Gabor attingi, vt vberius nôris, iuuat, cognosces autem ex litterarum copijs fideliter ex originali transcrip̃tis. Disces sanè ex illis artem cum Turcis tractandi, nec pudeat pigeatque à Veterano, qui que magnam virilis ætatis partem apud Turcas contriuit, tyronem in hæc palastrâ discere. Sed & intelliges distinctè, quem in scopum curas cogitationesque suas Gabor direxerit. Vt autem promptus assequaris, quæ prioribus litteris habentur: Scire debes, Gabrielem Tuum, contra Principem ac Dominum suum, validum Turcarum exercitum, in ipsa Transyluaniæ viscera duxisse, eaque miserandum in modum vastata direptaque, sublato Gabriele Barthoreo, Principatum sibi firmasse. Turcas, multis Christianorum millibus in diram seruitutem abductis, Transyluaniâ excessiss̃. Vt igitur nauata operæ promissa iam dudum præmia, Turcis exsoluerentur, collectis omnibus Transyluaniæ viribus, bellum contra sanguinem suum mouit, quas Turcis promiserat arces, valida Christianæ Reipub. præsidia, iisdem consignaturus. Præsidarij tantum facinus auersati, cedere noluerunt, sed muris vitormetorum deiectis ac dissipatis, Lippa in primis mœnibus eincta, ac duplici arce munita, deinde Solymos, Eperies, Totuaraggya, Margita, Monostor, Arad, Syri, Faesat, occupata, Turcisque in manus tradita, longèque maior tractus Hungariæ Turcis

hæc deditiois ratione cessit, quàm sedecennali superiorum annorum bello, ab iisdem fuerit occupatus.

Post hunc tam heroicum (Turcicæ videlicet seruituti nobilissimam prouinciæ portionem mancipando) actum, ad Vezirum Nakas; Hassanem Bassam, priores litteras ex castris ad Lippam positis scripsit: Posteriores Vndenam, quauè occasione dederit, ex ipsis percipies.

E X E M P L V M
L I T T E R A R V M B E T L E M I
G A B O R ad *Vezirum Nakas;*
Hassanem Bassam.

Spectabilis ac Magnifice Vizir Bassa, mihi semper beneuole, honorande Domine; Deus Vestram Magnificentiam conseruet, fortunatam reddat, & vnum ipsius diem in tertis, in multa millia propagando, in seruitijs potentissimi inuidiissimique Cæsaris, beatâ prosperitate exornet.

Ab annis compluribus inter nostrum potentissimum inuidiissimumque Cæsarem, & regnum Transsylvaniæ, alienationes disceptationesque intercurrerunt, ob adeptam nec redditam Lippam. Diffiteri non possumus, plurimas easque iustas ac evidentes causas fuisse, ob quas nec Regnum, nec qui hucusque fuere Principes, adduci potuerunt, vt eam redderent. Nam ex quo priscorum Hungarorum progenitores, relicta Scythia, ferro absumptis harum terrarum incolis, Regnum acquisiuerunt, nullo vnquam tempore, vel auditum, vel lectum alicui, quod gens Hungarica, non dico, Arces, Ciuitates, tractus integros, sed vel palmum terre, sine armis, sine sanguine, sine cæde, gratis alicui concessisset. Ex quo autem gens Ottomanica contra Hungaros bella gerit, quacunq; in arce soli Hungari

gari milites fuere, quantumuis validâ impressione premerentur; haud sese dederunt, ad vnum omnes internecone deleri pro defensione patriæ maluerunt. Testantur id Alba Græca, Temesuar, Gyula, Szigetum.

Nunc nostræ actiones, & aduersus potentissimum Imperatorem declarata sincera fidelitas, longè aliter habent. Nam vt in potentissimum Imperatorem, veram fidelitatem nostram, restitutione arcis Lippæ, comprobaremus, ob practicas plurimorum Germanizantium, accedente præfidiariorum rebellione, & exercituum nostrorum multiplici difficultate, multorum insignium militum nostrorum sanguinis ac vitæ profusione, Ciuitatem assaltu, Arcem validâ impressione occupauimus, vt vel hac ratione potentissimo Imperatori gratificaremur. Interea ex parte Germanorum, tametsi sub pacis prætextu multa donatiua deferantur potentissimo Imperatori, alia tamen ex parte Georgium Homonnai in Translyuaniam, Sorban Waiuodam in Walachiam, valido exercitu instructos expediuerunt. In subsidium quoque arcis Lippæ (ne videlicet reddi illa per nos posset potentissimo Imperatori) ad instantiam præfidiariorum, validus contra nos exercitus fuit expeditus. Verum nos, accelerato itinere, illius aduentum præuertimus, & iam ciuitatem occupaueramus, cum hæc auxilia superuenerunt. Interim & arcis oppugnationem vrgendo, & contra aduentantes in campis depugnando, Deo adiutore contra vtrosque feliciter rem gessimus. Arcem igitur occupatâ & euacuâtâ, iuxta clementis mandatum potentissimi Imperatoris, Lippam, vnâ cum quinque arcibus & castellis ad eam spectantibus, nos ipsi in manus Beglerbegi Temesuaricensis, Spectabilis ac Magnifici Mehmet Bassæ, consignauimus.


Ob hanc æternâ memoriâ signam fidelitatis nostræ declarationem, cui parem nemo huc vsque in tota natione Hungaricâ, fortè nec in aliâ, versus O. homannicam gentem exhibuit, quam clementem protectionem, quantam bonorum affluentiam sperare debeamus à nostro clementissimo summæque dignitatis Casare, quam amicitiam benevolentiamque à Veziris, quam ab vniuersâ Musulmanicâ gente gratitudinem, id nos, summi in primis Dei, ac per totum orbem diffusarum gentium ac nationum, perennaturo iudicio com-

mittimus. Capitis nostri, vitæque propriæ discrimine, tot insignium militum nostrorum sanguine, tam grande obsequium præstitimus, vel hac ratione, gratiam ac fauorem potentissimi Imperatoris demereri satagentes. De totius negotij cursu, deque postulatis nostris, quæ potentissimo Imperatori representamus, Vestram Magnificentiam, Orator noster, qui illic est, plenè edocebit, rogantes cum omni affectu Magnificentiam Vestram, digna postulata nostra, suo fauore promota velit, quod nos vnà cum nostro regno, omni gratitudine demereri conabimur. Deus conseruet Magnificentiam Vestram diutissimè incolumem. Datum in castris nostris ad arcem Lippam positis, die XIV. mensis Iunij, Anno M. DC. XVI.

Magnificentia Vestra
Beneuolus, Amicus, Seruitor.

Gabriel Betlem.

POSTERIORES
LITTERÆ BETLEMI
GABOR ad Schenderem
Bassam.

pectabilis ac Magnifice Bassa; Bonis omnibus cumulet Deus Magnificentiam Vestram. Quàm sincere ac fraternè, quàm grato beneuoloque affectu, conatus semper fuerim, Vestra Magnificentia seruire, summus Deus mihi sit testis. Nescio tamen, quò meo merito, Vestra Magnificentia, in meam perniciem, & apud splendidam portam, & alibi, multas fodit foueas, in quas ne præcipitarem, Deus hucusque protexit. Ego in vestram Magnificentiam nunquam deliqui, quin potius, quantum potui, demereri laboraui, & vix non seruus ipsius vectigalis fui. Quolibet enim anno, multa donaria, suppellectilem argen-

Lib. 3. cap.

argenteam, pecuniam numeratam, salem debui, V. Magnificentia pendere, quarum rerum testes habeo, quos producam, cum oportu-
 num fuerit. Ex ijs cognoscet splendida Porta, qua ratione Vestra Magnificentia Transsylvaniam emungat. Non solum coram, sed & apud legatos, splendida semper verba dedit mihi Vestra Magnificentia, multis iuramentis promisit benevolentiam, interim conatu omni exitium meum procuravit. Hucusque dissimulaui. Litteras, quibus Vestra Magnificentia, post meum ex Transsylvania abscessum, Saxones allicit, heri accepi, quas vbi perlegissem, miratus sum vehementer, quod nondum desistat Magnificentia Vestra a practicis Transsylvanicis, cum tamen nihil iuris habeat in Transsylvaniam, nec existimet deposuisse nos, ac negligere curam Transsylvaniam. Rogo itaque Magnificentiam Vestram, a practicis huiusmodi desistat, in Transsylvaniam ne scriptitet, certo sibi persuadeat, cum ijs, quibuscum coepit, rem hanc non perficiet. Ego negotia Vestra Magnificentiam non attingo, cum id mei non sit officij, ita nec Vestra Magnificentia res meas dirigat, cum nemo ipsi hac in parte quidquam commiserit.

Certo credat Magnificentia Vestra, quod & ego existimo me talem esse seruitorem Caesaris, mei clementissimi Domini, qualis est Vestra Magnificentia. Seruiui, sed & nunc indies seruius Potentiam suam, cum omni iustitia, quod nunc vel maximè testatum feci. Totam siquidem Hungaricam nationem, eodem prorsus modo, quod Transsylvaniam, ad pedes potentissimi Domini perduxi, Isti iam Suedici Potentiam vna mecum fidelissimi erunt. Maneo nunc Posonij in Regia Hungaria, Corona in meis manibus est, Deo gratia, post dies decem Hungari sibi Regem eligent. Conuenerat omnis exercitus Ferdinandi, erant ultra sexaginta millia, ante pontes Vienneses confliximus, & magnus Deus, potentissimi Imperatoris auspicijs, Victoriam largitus est, profligauimus inimicum, ultra Danubium expulimus; Viennam conclusimus. Nunc exercitus nostros traicimus, ut illos iterum iouadamus, & si Deus fauerit, Vienna quoque, paucos intra dies in potestate mea erit. Totum regnum Bohemiae, regnum Morauiae, Silesiae, potentissimo Imperatori fidum ac beneuolum effecimus, eorum exercitus omnes penes me habeo, ex omnibus Regnis Legati cum muneribus destinantur ad lucidam portam. Taliter ego in seruius potentissimo Domino; Vestra autem Magnifi-

centia elanculum vult meos subditos à me auellere, ad rebellandum inducere, ob quod certè nunquam ei seruiam. Deus sit cum Vestra Magnificèntia. Pofonij, 4. Nouemb. Anno M. DC. XIX.

XV.

Venetos ne ipsos quidem amicos arbitrare, multæ causæ sunt: Prima, Aristocratiam tuentur, & Principem non nisi in speciem habent, plebem contemnunt, Patricius sanguis solus imperio dignus censetur. Naturâ itaque inimicus est Monarchiæ eorum status, nec expedit tibi, Tuos proceres familiares esse Venetis; amorem enim Libertatis odiumque Regum addiscunt. Secunda, Veneti mali Vicini sunt, cum nullo Italico pacem colere potuerunt, nullum Vicinum habent amicum, omnium Vicinorum ipsi sunt æmulæ. Patuit id nupero ad Gradiscam bello, quo ex Hollandiâ alijsq; locis auxilia petere debuerunt. Ne dubita, nec tibi quidem erunt amici. Tertia, Tu & illi pariter dilatare regna, & Vicina imperio adijcere satagitis, non igitur diu inter corrivales pax esse poterit. Quod nunc tibi & Gabrieli blandiuntur, causâ est, quia tuo labore ac sumtu, quam maximè Austriacos atteri cupiunt, quorum magnitudinè inuident, adeoque nullum Vicinum habere, quem timeant, exoptant. Itaque si vel Tua, vel Gabrieli potentia cò perueniat, Ut illis sit formidanda, omnibus machinis obfissent. Olim Lusitanæ Regibus Indicam nauigationem intercludere voluere. Omnibus enim Christianis inuident se potentioribus. Turcam tolerant, eique adulantur, cum tamen ab illo & premantur & spoliuntur. Denique fac, ad nutum omnia ire Gabrieli, fac ipsum Turcicis copijs adiutum, Styriam, cæteraque Cæsaris occupare, & Coronæ Hungariæ adiungere, tunc demum necesse est pacem inter ipsum ac Venetos discindi. Nam ne dubites, eo rerum statu, Gabor illa quoque repetet, quæ Veneti ab Hungaricis olim Regibus, cum eos Turca premeret, vsi occasione alienæ calamitatis, in suam nassam auerterunt. Quod si vetera noluerit mouere Litigia, certè præsentia nequaquam negliget.

Par autem Veneris erit, Transsylvaniâ, Hungariâ, Styriâ, Carinthiâ, & Austriâ vnitis, & in vasallatum Turcæ datis. Actum quidem ad nutum magnæ Portæ, peribunt nobiles Venetiæ, cum aduersus duos validos terrâ marique hostes defensorem non habebunt. Quæ omnia tam timenda sunt, quàm non sperandum est Turcam vel Gabrielem.

briblem, datâ occasione augendæ potentæ, carituros prætextu violandorum foederum, quasi non sit facturus Veneto, quod fecit Cæsari. Nec ignorant ista Veneti, sed inuidiâ in Domum Austriacam flagrant, futura pericula non æstimant. Nihil enim inuidiâ potentius, vtpote quæ seipsam consumit ac deuorat.

XVI.

IN Principibus, vrbibusque Germaniæ, quamdiu illis tecum est communis metus, spem locabis, ille vbi deserit, suas quisque res aget. Illi tantum sui defensionem & incrementa quarunt, eaque ex bonis Ecclesiasticis, alia enim quæ dones non habes: Hæc spes si decollet, bona si acceperint, cum omnibus satisfieri non possit, odisse incipient. Nam in hac diuisione, iuxta legem, tibi potiore partem applicabis, fratrique tuo, & tot Palatinis abundantibus. Ciuitates etiam sua meritò reposcent præmia, nam pecunias gratis non exponent. Deinde Te Vrbes Liberæ, & maximè finitimæ, valdè metuunt, vt Wormatia, Spira, Francofurtum. Iam verò si fies potentior, etiam te Noriberga, Vlma, formidare occipient. Putant enim Te sibi velle dominari, aut sanè, si velis, posse, semper enim cogitat infirmior, non quid debeat facere fortior, sed quid possit. Tertio facilè inter Principes discordiæ bellaque oriuntur, Vrbes pleræque Senatuum suum oderunt, nec dubium, vbi timor Cæsaris abfuerit, quin ciues admodum vexati hætenus, Senatores eiecaturi vel occisuri sint. Nuper se Francofurtum, Wormatia, Noriberga commouit. Hic vestra liga dissoluetur.

XVII.

Hollandorum etiam amicitiam cautè niteris, nisi Mauritius eos planè subegerit. Socero tuo Britanno ante duos annos diffidere cœperunt, nunc Mauritium cognatum tuum odeunt, quia illum viam ad principatum affectare haud vanè conijciunt: Et tu quoque suspectus esse cœpisti, sed quia grauiori in Hispanum odio ardent, idcirco Tibi suppetias ferunt: Sed illi quoque ita te adiutum volunt, vt vicissim illis sis auxilio, ad occupandum Europæ imperium, quò magnis animis, & varijs adspirant artibus. Et nisi me augurium fallat, inde prima quoque mali labes socero Tuo alijque timenda est.

XVIII. Re-

XVIII.

Regem igitur nouum te esse considera, certissimas multorum Regum inimicitias suscepisse, paucos habere amicos, faciendaque illa omnia, quæ nouis hominibus quondam Tullius præcepit.

XIX.

Nunc quid agendum sit vides, etsi ipse, satis per te sapis tibi, & consiliarios habes versutos callidosque, tamen & hæc nostra proderunt.

XX.

Dvabus rebus hætenus valuisti, prudentissima simulatione, dissimulationeque; Deinde celeritate. Prior ars iam vim perdidit suam, altera igitur utendum. Simulando enim & dissimulando in Europâ fallere nullum potes, Itaque artem nil profuturam desinas censeo. Extant tuæ literæ, tam placidæ, amicæ, ambitionis expertes, ut ab ipsâ virtute scriptas esse putes, candidissimamque simplicitate. Interim cum Hollandis, Venetis, Turca, Gabriele, cunctis, qui prodesse vel obesse poterant, ictum fœdus. Inopinatè rebellant Bohemi; deficiunt Silesij, Moravi, Austriaci, & quasi à machina, nouus adest è septem montibus hostis. Mihi iurati affirmarunt nec Cæsarem, nec Principes Papisticos credidisse, Te regem esse velle. Cum electus esses, perstitisti in simulatione, & res bellè successit, credo Papistas credere, te præ amore Cæsarem Bohemiâ exclusisse, sed serid. Noli arbitrari vllum Papistam esse tam fungum aut caudicem, ut credat tibi esse credendum. Quod si tibi credere se dicant, & iurent, tu credas eos Tui causâ pejerare. Hoc moneo, quia manifesta simulatio odium magis exasperat. Qualis fuit illa in tuo programme, cum hostem vocares Turcam, & significares tibi animum esse contra illum tua defendendi. Odiosum est, sic Principibus collegis stultitiam suam exprobare. Cuncti enim nõrunt, & eade re litteras Bohemorum tenent, Gabrielem, adeoque Turcam in subsidium vocatum, à quo & Polonus ab infestandâ Silesiâ deterretur. Quid igitur Tu eum hostem vocas, & auersari simulas, cum ille Tibi Dominus, fautor, auctor & conciliator regni sit? Sine illius veniâ nec Gabriel venire, nec Polonus impediri, nec Tu rex esse poteras. Cum igitur in eius te clientelam dederis, amicum fore sponderis,

lega-

legationibus missis, magna ac multa obtuleris, idque constet passim omnibus, non puto negandum. Nam Betlemum etiam Bataui nostri risere, quod contra Turcam muniendos fines dixisset, cum ipse in medio regno, Lippam, aliasque arcès vi expugnatas vltro Turcis tradiderit, cum intus in corde ac cute Turcam alat foueatque, cum Viennam Turcico iugo subijciendam, datis ad Turcas litteris, promittat. Itaque magis auctoritati consules Tuæ, si te Turcæ dicas confœderatum, & minèris te eum adducturum. Ægrè ferent hoc vrbes Germaniæ, sed quid refert? liberè confitère, & factum esse rectè, defende, quod negari non potest.

XXI.

HVc etiam pertinet, quæ reliquo in programmate est excusatio; Non enim vllum mouere poterit, si dicatur, lustram esse alieni regni occupationem, eo quod secta quædam in eo fuerit, quæ magnos Principes seduxerit. Quid enim alijs fiet regnis, si ista admittantur?

XXII.

ALtero ergo stratagemate vti perges, & præualebis, celeritate, inquam. Itaque rectè est factum, vt in ipsa coronatione, in Bohemiâ, Moraviâ, Hungariâ, Austriâ, presso pede hostem insequeremini. Si sic victoriâ vtemini, paucos intra menses, pedem in Germaniâ non habebit Imperator. Ex vnâ victoriâ gradum ad aliam facies. Hoc vide, ne des tempus respirandi. Decimas retine, nam reddendo timoris suspicionem præbebis, retinendo fiduciam ostentabis, Omnia occupa ante ver proximum. Habes Spiram, Moguntiam, Treuiros, ab his incipe, opes habebis & nomen, nec deerunt, qui tibi aderunt. Ver timendum est, sed confœderati Tui, maturè tibi suppetias auxiliaque submittent. Denique celeritate eadem vteris continuè, quamuis fortè successus aliquis tibi requiem suadere possit. At scito nihil esse periculosius securitate. Itaque audacter perge, omnes moue, Gallum demereri stude, ceteros omnes. Semper aliquid inueni, quod te alacrem ostendat. Prorumpere, vbi non expectabis.

XXIII.

Denique hoc memineris: Aut omnia, aut nihil. Hoc semper diximus, si vnum pedem Austriacæ ditionis, si vnum

C

oppi-

oppidum Episcopatus alicuius expetis, habenda sunt omnia: facilius eris Imperator, quàm defendas priuatus Princeps Elector aliquam Abbatiam. Nam si parte aliqua contentus sis, ea tibi ab eo, quod non accepisti, eripietur. Tigridis catulum rapis, mater insequetur, si vtrumque irretias, quietâ præda frueris. Diuidi regnum non potest, totum haberi potest. Non fert duos Soles Germania.

XXIV.

HÆc communiter agenda sunt, Nunc superest, vt memoriae causâ, te moneamus, quomodo cum singulis agendum sit, & primum cum Cæsare. Cæsarem verbis tractabis humanissimis, ac fericis planè, petes, vt regnis cedat, te filium agnoscat, afflictissimos subditos ne turbet, Ieluitis ne credat. Eam quoque ob causam socii tui Britanni legatum subornasti, ac pacis concordiaque spem verbis ampliter ostentare rogasti. Interim omninò machinare, vt Cæsar sit in tua potestate, Sic enim Rex Romanorum citò eligeris. Verum hîc considera, quod diximus paragrapho septimo. Non esse ad desperationem Austriacos redigendos, nisi simul capi vel occidi possint. Nam extrema desperatio sæpe est causa victoriæ. Furor arma ministrabit, & inuenient tibi hostem vndecunque. Tantum corpus sine sonitu non cadet, alios sternet, alios trahet. Timeo ne si ipsi viderint, sua tueri non posse, cuius malint quàm inimico sua dare. Nec culpâre illos tu potes, si enim, vt latius regnâres, cum Turca fœdus inijst, ipsique aditum in Germaniam aperuisti, quid illi non facerent, vel salutis, vel dignitatis, vel denique vltionis causa.

XXV.

CVm Romanensibus, hoc est, Pontifice, Episcopis, Clero, moderatè ages, si quid tamen accepisti, retine, ne leuiter fecisse videaris. Ratio, quia totum hoc genus quieti deditum in Germania, & si cibum suggeras, si palpes, si colas, haud quaquam insurget. Vt animalia quædam, si mandræ plenæ sint, torpent, stertuntq; innoxia, fame efferantur: Ita hîc quoque res habet. Si milites colligant, ne moueare, etsi enim duplo maiorem & meliorem exercitum habeant, nunquam te offendent, eum continebunt, se & suos consumunt, tandemque tuæ se protectioni committent. At si ad despe-
ratio-

rationem illos adegeris, reperient vindictæ modum, nec morientur inulti. Bruta etiam pro pabulo depugnant. Timeo enim, ne se dedant potentibus, oppignorent ditiones, ne Gallus aduocetur, ne alia fiant, de quibus sæpe actum est. Si enim velint, milite, pecuniâ superare poterunt, volent autem, cum eos necessitas acuit, eos virtutum & vitiarum limatissima. Itaque hoc age, vt eorum Consiliarios facias tuos. Canonicos, Nobilesque viros attrahas, omnes enim aliquos Officiales, etiam militum Duces habent reformatæ religionis, per quos omnia expiscaberis. Cum verò indagine cinxeris, vt externa implorare haud possint auxilia, vno impetu, etiam cum puluisculo, eos exue, & opes omnibus formidandas accumula. Hoc semper time, ne illi aliquid tam inopinatum tibi inueniant, quàm tu illis inuenisti. Extrema vitabis. Veneti vt domum obruant Austriacam, tanta largiantur, quid facient Romani Cardinales, vt se seruent? De expeditione Italica cælabis, nec admittes mentionem, ex improviso enim opprimenda est.

XXVI.

Cum magno Turcarum Imperatore ad Portam, per legatos Soceri, Venerorum, Hoilandorum iam actum transactumque est, ne ægrè ferat se in diplomatibus tuis hostem vocari: Non enim posse alio modo illi in Germaniâ amicos parari. Interim ab eo periculum esse tibi scito. Non vrgebit tibi munitiones in Morauia constitui, antequam Romano Imperio inaugureris. Eò vsque etiam differas excidium Lutheranorum, quos postea, rebus tuis certò stabilitis, commodè exterminabis. Interim modum cauendi Turcas vix vllum video: Si enim vno anno delere Austriacam progeniem posses, & Germaniæ viribus te munire, deinde Gabrieli persuadere, vt ab Othomannica seruitute recedat, haud dubiè Turcæ resistere posses. At nunc Gabriel id potius agit, vt Turcæ subdat quàm plurimos, & eius Monarchiæ fines stabilitat proferatque. Quod quidem ego arbitror esse boni serui, sed miseri Regis.

Cum verò in illo metu versaris, Bassas omnibus modis, sed maxime pecuniâ conciliabis. Purpuratos aulæ tuos facies, nam munera si mittas, omnia impetrabis, idque facies, etiam si hostis sis. Nam in magno regno plus sæpe potest consiliarius, quàm Princeps. Interim verbis Turcas coles, omnia promittes, sed ita, vt nôris officium ibi nullum esse maius & potentius nummo.

XXVII.

Bohemos tuos ita tractabis, vt habeas subditos, vtq; filios tuos Reges eligant, & filios filiorum. Nam temerarium est, in mediam belli flammam se conijcere, si posteris tuis inuidia solum, non etiam regnum quæreretur. Non facient sponte, aut sanè si facturos speras, prudentis est tamen sibi suâ prouidentia consultare, non ab æstu comitorum pendere. Subdes autem eos simulando, promouendo, remouendo.

Simulando nimirum summam securitatem & confidentiam, vt nemo propositum tuum subodorari possit. Tiberius tibi præceptor esto, qui eos, quos euertere cupiebat, summopere honorabat, deinde securos opprimebat. Hoc scitum: quia honores pauci moderatè ferunt, ideoque semper altius ascendere, quàm oportuit, moluntur.

Promouendo tuos, immò & hostes, sed tolle in altum, vt lapsu grauiore ruant. Nemo hostem facilius vincit, quàm si in altum ducat, vade se præcipitet. Belgium & Britannia prouexit & extulit quàm multos, sed quos certò ruituros expectabat, & ceciderunt, cadet alius, qui sequitur, ac fidit. Promoue ante Tuos, quos putas fidos, alios, quos putas casuros.

XXVIII.

Remouendi sunt audaces, alterius religionis homines, libertatis amantiore, quam regno expedit.

Audaces & temerarij cauendi, quia gratiosi vulgò, & magnanimi habentur. At Regum securitas in submissione & pusillanimitate subditorum consistit. Exemplum in promptu & propè sunt.

Lutheranos & Hussitas supprimes; vt in Angliâ Puritani & Lutherani pressi sunt. Papistæ & Anabaptistæ nihil molientur, satis enim attriti sunt. Lutherani pari iure cum reformatis contendunt, Saxonem iactant, ab exteris firmantur. Itaque eos in ordinem redige, quemadmodum in Hollandiâ Remonstrantes siue Arminiani redacti sunt.

XXIX.

Modus amouendi, per speciem honoris, mandando speciosas & impendiosas functiones. Sic Turrianum in Britannia-

manniam Legatum mittes qui te potentior erit, quamdiu Bohemiam incolet, sic Mansfeldium aliò ablegabis.

Modus alius per accusatores, vt litem intendant ciuilem, vt calumnijs variè petant vexentque. Nunquam inter discordias deerunt occasiones: Tu fere discordias & pugnas. Qui amantes sunt libertatis, & exacto altoque ingenio, eos omnibus technis & versutijs persequere. Exemplum nuper in Batauiâ editum, & sanè Barneueltrium, vix totis viribus connixi, Mauritius focerque tuus occiderunt, quod tamen necessarium erat, sed hoc actum cautissimè & prouidentissimè, vt per ipsos Ordines occideretur.

XXX.

OMne periculum in regno tuo Tibi imminet à Proceribus. Hos eliminandi, deiciendi, aut etiam è medio tollendi hunc modum tene. Tres sunt ordines in Bohemiâ, Minororum, Nobilium, & Ciuitatensium. Inter hos acerrima æmulatio est, Ciuitatenses enim ferè contemnuntur. Tuum erit, primò aggredi Dominos, hoc est, Comites & Barones, Deinde Nobiles, postremò Ciuitatenses iure suo priuare: Domini erunt ferè auferendi è medio, nec mirare: Documentum Regium est; Spicas eminentes decutere. Nisi feces, secabere. Primò, qui familiares sunt Tibi, & Tuis, per idoneos homines, magnâ illos spe inflabis, vt contemnant præ se reliquos, iniuriosè agant, ideoque exosi reddantur. Deinde inter se vt contendant ac committantur, officè, sicque aliquos tolle. Ciuitates interim extolle, donec per eas Nobilitatem deieceris, cui rei illæ operam volentes lubentesque conferent.

Florentibus enim Proceribus precariò regnabis. Illis oppressis, Ciuitates adorièris, ad Te tuosque reuocando iudicia, Ciuium querelas contra Magistratus audiendo, curando, iuuando; Sic venies ad mutationem cribrationemque Senatorum, qualem in Hollandiâ nuper instituère. Vbi Senatus fuerit tuorum humorum, tandem rusticos & pauperes, tanquam popularis & Tribunicia potestatis, Ciuibus æquabis, & sine labore, sicut desiderat cor tuum, absolutè dominaberis. Vno verbo: morte vel exilio trecentorum procerum, regnum tuum in tuto collocabis & stabilies.

XXXI.

NVnc præclara occasio se offert, Exercitum habes, eo domabis & tuos, Militem cole, & ex Germanis tuis habes, ipse in castris esto. Dux tuus potentior Te erit, si pro te bella gerat.

XXXII.

ÆRarium ne Status habeant, Tu semper aliquid pete, si in te transferre nõ poteris, fac vt diuidant ipsi, quod haud difficulter assequeris. Denique quod caput est, Pragam compesce.

XXXIII.

Germanos tuos Principes adorabis: Comitibus comis eris & blandus, ludes & potabis cum illis, mores eorum sic disces. Cum urbium legatis, de eorum commodis ages, & quia totas Curias inaurare non potes. Syndicos, Secretarios, & qui auctoritate præ cæteris pollent, Tuos facies, nullis impendijs parces.

Hoc suadeo, vt oportunè opulentas vrbes, Noribergam, Vlmam, cæteras in tuam redigas potestatem, nam eorum opibus firmiter te communire poteris. Imitare Iul. Cæsarem, aliosque, qui complures vrbes prædæ causa diripuère. Non offendes ea re Principes & Nobilitatem, si & illis bolum aliquem in fauces inieceris. In Hollandiâ clandestinis nunc agitur machinis, vt Ambsterodamum sit in Mauritij potestate: tantæ enim ibi opes sunt, vt decennali bello sufficiant. Francofortum si inescare & inuadere possis, mirificè rem tuam stabilieris, Egentes & obrati ciues, spe spoliolum illecti, lubentissimè Tibi mutuas tradent operas.

Si vrbes dolo blanditijsue capere non poteris, plebeios vulgusque promiscuum concita, Tribunus plebis esto, Patriciorum fastum, insolentiam, iniurias, contumelias, vltum venire te simula. Scis, quàm id Noribergæ, Vlmæ, Francofurti, Wormatiæ, gratum sit. Urbibus occupatis, earumque neruo validus fortisque, Comites aliosque nobiles in ordinem redige, & summa illa papauerum capita prudenter demete. Non enim aliter Rex eris.

XXXIV.

ANte omnia, ne tuum cum Turcâ foedus cognoscatur, aduerte, Catilinam enim patris, & libertatis Germanicæ proditorem dicent. Nemo enim ignorat, Turcicæ tyrannidi receptum esse, Principes & Nobilitatem è medio tollere.

Denti-

Denique in Regno, in quo nihil præter vim habes, vim exerce-
to, sed mistam dolis astuque, donec omnia possideas. Turcam metue,
Gabrielem caue, contra Austrios pugna. Proceres Bohemos sensim
minue, Ecclesiasticos ne time, ne ad desperationem adige. Nun-
quam bellum offensiuum gerent, etiamsi potentiores: Animalia
nulla leonem aggrediuntur, mille oues nunquam vnum lupum in-
uadunt, nec leonem centum boues. Tu leo es, non timebis eos, sed
vires contra hostes alios verte. Morauiam custodi, hæredibus pro-
spice. In Belgio Hispaniensi, speramus aliquot Ordinum Urbiumque
transfugia, quod si euenerit, res tuæ in tuto erunt: Sed festinandum,
nam omnes confœderati, eodem tempore, & Te Regem Germaniæ,
& Mauritium Dominum Belgij videre summis votis exoptant. Si
tamdiu quieuerit Gallus, haud dubiè vicimus. Iam enim Principes
urbesque vobis fœdere vnitas, vt se parent, excitauimus. Ponemus
in medio Franciæ, si possumus, Bullionium, aut eius filium, si non
possumus, quemuis, qui se nobis iunxerit.

Hic autem nunc desino, & hæc monita è media arte Politicâ de-
prompta, vt altâ mente recondas, inque vsum & actiones tuas feliciter
transferas velim. Reliqua pro re nata, vbi tempus caussaque
poscet, lubens, vti possum, vti debeo, fideliter
communicabo.

F I N I S.





BIBLIOTHONIV.

JABELLONICAE



Biblioteka Jagiellońska

514r0022206

